

# РУСКИ НОВИНИ

ЗА РУСИНОХ У КРАЛЪОВИНИ СХС

Виходза раз у тижню.  
 Цена на цали рок 100 Динари.  
 На 1/2 рока 50 Динари.  
 За Америку, 4 долари на рок  
 Рукописи и други писма треба  
 послац на адресу:  
 „РУСКИ НОВИНИ“ НОВИ САД  
 Бојовићева улица број 2.  
 Претплату на РУСКЕ-НАРОДНЕ  
 ПРОСВИТНЕ ДРУЖТВО, РУСКИ  
 КРСТУР (Бачка).

Рок IV. | Нови Сад, пятък 3. мая 1927. | Ч. 22 (129)

## Рус. украински народ у Польскей.

Же Рус. украински народ принадул под Польску то спрчинели окреми политически одношенія, у восточней Европи, котри настали по препасци трох царствох: Австриї, Немецкей и Русиї. Русини основали 1918 року по препасци Австриї самостойну державу на восточней часци Галициї, як цо и Поляци зробели у западней часци, як цо зробели и инши народи Австриї: Чехи, Югославяне, Румуне и т. д. Треба наглашиц важну обставину, же ше Рус. украински народ при осниваню своей самостойней держави тримал точно етнографских народних граніцох, и не присвоел а ні за палец цудзей жеми а найменей польскей. Восточна Галиция (Націонална Украинска република) була держава у полним значеню слова. Вона мала свою владу, свойо войско и т. д. До того пришол руско-украински народ по своей власней моци без цудзей помощи и у те ди чужжих обставинох. У теј жеми харала свитова война през 4 роки и претворела ю на теметов. По при шцим тим започал руско-украински народ на рушевинох нове будоване власней держави. Да те ди не навалели на ню у исти час з востока и запада, то та держава постала би була штредок нового порядку у восточней Европи. Вона не могла витримац навалу Полякох, котрих помагали Французи, и навалу большевикох. Територий восточней Галициї окупирали наисце Поляци и у марцу мешацу 1923 засиданіе ам-

басадорох (посланикох) то то им одобрело. Руско-украински пак краї, котри дараз припадали гу Русиї, большевицка влада одступела 1921 року Польскей. Слїдујуци факта найлєпше ошвицую, яке положеніе Рус. украинского народа у Польскей: Пол милиона найплоднейшей жеми, дзе биваю сами Русини, подзелела польска влада своим добровольцом Поляком. Наруцели страшени порциї и податки так, же Руско-укр. народ приходзи до потполней материјалней препасци. Тисяци урядникох одпущени зос званіох, або премесцени до таких крайох, дзе муша препаднуц. До шциких руских опцинох поставени комесаре Поляци, котри газдую з народним добром по своей волі. Руски школи невозможни. До те раз польска влада заварла 2166 школи. Исто так невозмож-но основац даяку организацію, чи политическу, чи культурно просвитну. Цо вецей, на отвичательносц ше поцагую и народни посланици, котрим и по закону осигурирани имунитет. У историї ище ше не чуло, же би даедному народу було заказано спомнуц и свойо мено. У Польскей забрането виповесц и мено „Україна“.

Попри шцим тим руско-украински народ не страцел одважносци. Процивно, вон стої храбро у борбох, за натуральни права каж-дого народа, за свойо само-одредзене.

Ришение рус. украинско-го вопросу у духу правед-носци не лем у интересу

русского народа, але и у интересу Европи.  
 Тота свидомосц дава рус. украинском народу силу, да витрима у обрани, дава

му надію, же чиста и свята ствар муши побидиц.  
 Др. Д. Левницький у статі:  
 La situation politique actuelle et les aspirations de la nation ukrainienne.

## У нашим отечеству

### Политическе положеніе.

Уж те раз ясно, же стоїме пред вельким державним виберанками. Влада ведзе бригу, як би лем попольниц празни места. Приятеле Божи Максимовича сцели би вшеліак да и вон будзе у теј влади, гоч и не як министр нукашних ділох. Медзитим демократи ше томе процивя. Медзи радикалами появело ше незадовольство зос дотеразшним посланиками и випатра, же на веліх местох ше подзеля. Медзи радичевцами обачуе ше незадовольство, бо Радича народ охабя. Прето думаю давни пристайше Радича придружиц ше гу Никичови и зос другима хорватским партиями виступиц процив безглавей политики Радича.

кви оо. Исусовцох. А присутвовало тисяци народа. Докладнейши опис того торжества приншеме у слїдујуцим числу.

### Нещесце на железници.

На железней драги до Сплита при станици Перкович налещел швидки воз на тарговни. Штирме кондуктере ранети а еден забити, од путующих ніхто не настрадал.

### Женски адвокати.

У новим закону о адвокатах допущено и женом буц фиш-калом. Кед будзе тот закон вигласани занимліво будзе слушац при суду, як вони буду знац браніц своїх кліентох.

### Партийна агитация.

По кортешації повдиних партийох уж видно, же виберанки пред дзверми. Демократи отримали политически збор у Дюрдџове а Прибичевич у Далмациї.

### Штиристорочница вароши Суботици.

Управа вароши Суботици одредзела преславиц свою 400 рочницу од основаня и од смерти цара Йоана. Торжество ше окончи у мешацу септембру. Поволани будзе и Його Величество Краль.

### Глад у Босни.

По Херцеговини пришла на шор Босна. По вистох зос Тузли наступел и там медзи народом глад. Обласни одбор питал од министерії 60 вагони кукурици як першу помоц гладному народу.

### Живи згорели.

У валале Билеч остала 80 рочна баба Стана Куянович зос дзецми дома, док друга челядз пошла на польо до роботи. Баба була глуха а и не видзела добре. Кед приставляла вечеру преврацела канту зос шпиритусом, котри ше запалел. Огень залапел дораз цалу хижу, ју котрей були ище двойо малки дзеци. Шцики згорели.

### Забил их гром.

При Куманове падал вельки диждж зос гирменем. Гром вдерел до едней хижы и забил мацер и два дзивки, котри при ней стали на хижним прагу.

### Преслава св. Кирила и Методия у Загребу.

В недзелю преславел Загреб на торжествени способ ювилей св. Кирила и Методия. Коло 10 наших священикох служели св. Службу Божу зос нашим преосв. Владиком Діонизіом у цер-

### Шверцовали гадваб

у Загребу влапела финансиц двох путникох Жидох, котри шверцовали зос Австриї гадваб и лиферовали едней фабрики. Царина котру би мушели платиц виношуе 60.000 дин, А те раз муша заплациц штраф и царину, а шичко будзе виношиц 600.000 Динари.

Читайце „Руски Новини“

## Й. Х. Песталоци.

У Швайцарскей, особено у Цириху и Берну того року преславили сторочниці шмерци свойого славного ученья Йона Генриха Песталоци. О тей преслави ше здогадали и други культурни держави. Можеме повесц нєт новинок на шведе, котри би голем даскельо шорох не жертвовали тей преслави, бо Песталоци як воспитатель зос своима идеями о воспитаню пресциг не лєм своїх современих, — алевельо и терашніх колегох.

У воспитаню поставел нови правила, у учено нови методи, котри наскоро прияли и нешка их применюю учители и воспитатели шлицких культурних народох, бо су основани на искреней любви, котра треба да поскоп медзи учителем и школяром. Зато Песталоци припада не лєм своей ужей домовини, але го почитує за свойого цали культурни швет.

По його правилох воспитане треба, да будзе морално, физичко и интелектуално лебо як вон гвари воспитац ше муши глава, шерцо и руки. Воспитане муши облапц шлицки дзеци обох полох (хлопци, дзвнчати) зос шлицких дружтвених расох, цо значи, же школоване ма буц опще и обязкове. Ніхто не шме остац през науки.

Песталоци ше родзел 12. януара 1742. У початку свойого школованя ше готовел за паноца. По том прешол на учене

права. Вец купел жем, бженел ше и газдовал. Але од кеди ше появела книжка „Емил“ о Русевльових идеяох, дораз ше почал теоретично занимац зос педагогию, зос воспитанем народа. Найславнше його діло котре писал в воспитаню в „Лингард и Гетруд“.

У 50 року свойого живота на своїм добру основал школу за широти (широтинец), у котрей почал до живота запровадзовац свойо идеї.

Широти, цо их до тей школи позберал сам хранел, облекал, учел, воспитовал и то зос найвекшу родительську любовлю. Як цо сам ше виявел о тим „Плачем и шмеем ше ведно з німа“. При таким занимаю зос дзеци виучел, познал дзецински дух и любел дзеци так, як цо до тераз їхто други.

Умар у Найдорфу, у одного свойого унука, у худобству, бо шлицко подзелел широтом, — 17 януара 1827 року. Пред смрт написал слідующе: „Вира у Бога вст источник отечественей и братскей любви, жридли праведности, народней честоти, благослова и народней моци“. — Його идеї, котри и нешка шею племениту любов удзециних шерцох, а с тим у народу по цалим шведе, — жиц буду вше док лєм стане народа на шведе.

М. А. Поливка.

Шпаньолска легенда.

Написал: Carlos de Batle.

## Роспятіє у Саломі.

Саломе в месточко у Барцелонскей провинциї. Лежи у долини, а обивателе земледілци. У долини есть вельо заяцох и яребицох.

Едней яри вибрали зме ше вецей нас на лов на вецей дні. Першого вечара, було то штвар-

ток вечар, шедзели зме около одного велького дуба у доброго газди, котри нас приял на ноц. Людзе були барз приємни; пощелї, яки нам приготувели, були били, як шніг, хижки чисти и барз мили. — Шлицко було у найвекшим шоре.

### ФЕЛЬТОН

#### Церньови венец.\*

(Предлуженє.)

Йона ше шлицок тресол. И пре нього и пре його грихи цернї пребивали главу полну ранох. Син Божи напредок приял шлицки грихи на себе, поднесол шлицки муки, же би задоволел справедливосц Бога за грихи. Йона аж тераз починал розумиц, яка то страшна жертва була, але бул далеко од того, же би похопел шлицку муку. И тото шлицко поднесол у любви! Пре веліку, веліку любов гу своїм овечком, цо им добри пастир! Шерцо хорого ше почало топиц як ляд од цеплих зарйох слунка. На то вон ище нігда не подумал. Шлицко то од неограниченей любви. З

любви Йона плакал як мале дзецко.

Мария почала ніжно гуториц: „Так Бог полюбел швет, же дал свойого единородного Сина, же би одкупел гришнікох“.

Ах, Мати зато певно знала! И вона помагала у ділу спасеня. Без нариканя видала свойого Сина и стала под крижом. Йона ше зогнул и бочкал жем, кадзи ходзели ноги Матки Божей.

„Я гришник“ стогнел „я нещесни гришник! Таку веліку цену требало за мойо откупене! Таки драги пенєж я коштал! О Господи и Боже мой! Спасителю и Откупителю мой.“

Вецей не могол ніч гуториц. Без престанка лєм повтарял: „Спаситель“ — и сам не знал, цо ше зоз нїм збивало, але чул, же

Пяток и суботу були зме цали дзень у лову. В недзелю зме одпочивали.

О 6. рано завонели на Службу Божу. Пошли зме до церкви. Над приступними дзверми побачели зме прекрасни образ. Спомнули нам, же тото месточко ма ище векшу дорогоциносц, а то е роспятіє Исуса Христа.

У старей каплички наїсце зме нашли тото роспятіє, якого зме до тераз ище нігдзе не видзели. То було едно совершено уметне діло.

По служби Божей нащивели зме пароха и сцели зме од нього дацо вецей дознац о тим чудесним роспятію Твар Исуса Христа указовала образ правой болї. Тїло красне виробене, мало по себе як би од бичованя, вшелїяки смуги — а не могли зме себе розтолковац, як ше то стало.

Виповедли зме свойо задивленє пред парохом, а вон нас заводал до своей загради, дзе нам росповед цалу историю того роспятія.

За давних часох — гуторел парох — у тим месточку бивал еден невірєц, тарговец зос житом, котри пожичовал людзом у невуродзейних рокох пенєжи. Людзе то мали сплацовац у житу зос велькими процентами. Тот невірєц малу своїм полю тото роспятіє.

Кед ше му не подарела тарговина, або кед би ше поновели невуроджайни роки, и людзе му ие могли виплациц длуство вон вжал тото роспятіє, положел го на жем и так го длуго бил зос метлу, док му руки не вистали.

Смуги на тїлу настали од пругох метли.

## ШИРОМ ШВЕТА

### Смертна кара б священником.

У варошу Бійску у Русїи одсудзели большевицки суди б

У тим месточку жила една побожна, а барз богата фамилия: Вона уж не могла подношиц тото обещасцованє роспятія Христового и понукла тарговцу вельку суму за тото роспятіє. Тарговец не сцел прияц. На вельки прозби тей фамилии на концу пристал под таким услвїєм: заплациш ми тельо у стриблє; кельо вежи розпятіє. Побожна фамилия пристала на то. Назберала стрибла до 4 мехох, положила то на коч и одвезла на пїац, дзе була пригатовена мажа. Позберал ше шлицок народ зос места на тото меране. Тарговец дал принєсц роспятіє зос свойого дому. Ношли го 4 моцни легине. Вон сам будзе мерац. Легине положили на одну страну мажи роспятія, а побожна фамилия положила на другу страну 4 мехи стрибла, бо думала, же тельо будзе важиц роспятія. Але стрибло преважело. Сам тарговец одберал стрибло з першого меха и вше патрел на вагу. Вона ше не рушала. Вибрал стрибло з першого, другого и трецого меха. Уж бул барз розгнївани. Почал виберац и зос штвартого меха. И кед уж вельо вибрал, нараз ше ваги вировняли. Попатрел до меха и нашол у нїм 30 сребреники.

Людзе шлицки почали кричац: чудо, чудо, попадали на колена и бочкали роспятіє. „Верим, верим у тебе, Господа Исуса Христа, гуторел и невірєц. Я недостойни, да вецей тримал у себе роспятіє и даровал го церкви. Од того часу тото роспятіє у тей каплички.“

Парох докончел свойо толкованє, але ми потрешени вращели ше до дому.

Шлицок бул препалени з любовию Бога и при тим невиповедзено щеслїви.

„Стань, Йоно, сину Елизеров и дотхнї ше венца, цо го мой Син ношел и оздравиш!“

Розкаяни ше випросцел. Длуго патрел на святу драгоциносц, на венец церпеня — уж дзвигнул руку, же ше дотхнє, але нараз ю спуцел.

„Не“, гвари одлучно полни вири и покути „Не“, повтори „не швечи ше мне, же бим як слабке дзецко“ модлел ласку! Чом би я не мушел церпиц, кед мой Спаситель тельо церпел за мене! Я не заслужел чудо, бо сом тельораз одбил од себе Спасителя. Крем того сом у болю нарикал цали час на Бога. Аж нешка знам, яке то щесце церпиц! Як Бог за мене могол лац главу ранїц, будзем и

священикох на смерт прето, же помагали генералови Колчакови ище 1918 року процив большевиком. Кара ше одбула штрелянем.

я церпиц и укажем, же голем часточку величини Його муки розумим. Не модлїм за оздравленє!“ и Йона ше заш зогнул гу ногом Матери — „лєм модлїм за ласку, же бим могол свой криж ношиц з любовию и сцерпєзлівосцу! Господи, най будзе надомну Твоя воля!“

Росни слизи прервали нещеслївого слова. Главу прициснул гу жеми и лежал як мертви. Сара у чуду ламала руки, а Йосиф зос страхом и поштованьом патрел на пременку, котра наступела у його приятельови.

Нїхто ше не усудзел ані слово прегвариц.

На концу прервала мир Мария: „Знаш ти Йона, же ши ше тераз препородзел на души и на тїлу?“

„Я то чуєм. Чудо ласки ше збило зо мну“ одповед

## Миліон гектари жеми под воду.

З нагоди поплави ріки Миссисипи в Америці мушели ше виселіц 60.000 жителюх. Векша часц держави Луїзіяни под воду и претворена до озера, котре широкє 100 англійских мильох а длугокє 300 милі. У послідни часи залято вецей як 1 миліон гектари жеми.

## Згорела фабрика автомобилох.

У Америцким варошу Детроа згорела найвекша фабрика Фордових автомобилох. При огню чежко настрадало 29 особи а 1 роботник и згорел. Чкода ше рахує на 400 миліони динари.

## Гоненіє Словенцох у Италиї.

Тих дньох мал до Триеста прийсц таліянски краль. Влада тоту згоду вихасновала, же може прогоніц Словенцох. У тей нагоди заварте вецей як 3000 особи нашого народу, медзи німа жени и дзеци.

## Масарик заш вибрати.

Прешлого тижня окончили ше у Прагу виберанки нового председателя чехословацкей републики. Масарик вибрати зос вельку векшину. Комунисти поставели свойого кандидата и гласали за нього.

## Прекартал маєток и жену.

У Мадярскей тих дьох бавел карти еден богати газда зос своїм валалским новтарушом и прекартал цали свой маєток Кед уж немал цо, ставел на карти и свою жену та преграл Тераз ма и суд роботи, бо жена не припознава бависко на

Йона. „Цо ми вецей треба, кед ме мой Господь и Бог так ущесцел! О господи, цо ми еше треба, кед сом Тебе спознал!“

Нараз божествене шветло зашвицело на твари Мацерн Исуса и блажени шмищок обколел ей уста. Вец ше схилела над Йону, котри лежал и так легко же ані не чул дотхла ше з черньовим венцом його глави...

И Господь, котри дзелі благо своїх ласкох покорним та часто прима добру волю место діла — оздравел священика Йону. Найсвятейша Крев Исусова, зос котру бул запирскани венец, зробела чудо и Йона станул зос жеми здрави на целу и души.

М. Федоренко.



картох. Ето до чого приходзи кед, человек пияница и карташ.

## Школи без школярох.

Недавно вівел француски министар у парламенту, же у Францускей ест державни 1182 школи, котри немаю ані єдного школяра а 1476 школи у котрих меней як 6 школярох. Француски новини нападую на владу, на цо отримув вец тельо учительох, котри добре плацени а ніч не робя. Треба знац, же у Францускей свидоми католически родителе несцу послац свойо дзеци до державних школох, у котрих ше не уча катакиз, але их послаю до приватних, котри у церковних рукох. На тот способ остали державни школи празни а церковни наполнети.

## Нова держава комунистох.

Граждани републики Чиле бар мудро зробели зос своїма комунистами. Вони им дали празне острово Мас а Гуера и там их шицких одвезли зос цалима фамиліями. Ведно дали им и матеріялу за будованє зданійох, нашениа и статку. Острово барз плодне и вельке. Препуцели го цалком своїм комунистом, най там збудув державу по своей науки, па ше най сами прешведча. же така держава невозможна.

## Англія прервала одношеніє з Русию.

Понеже ше доказало, же Русія робела пропаганду у Англії и ширела большевизам, то англійска влада прервала зос Русию шицки одношенія, а то исто зроби и Француска. Прето и бул председатель Бріан у Лондону. У Русії над тим барз застарани, бо буду цалком одзелени од швета а большевици видза препасц свойого газдовства.

## Майови вечар.

Вечар яки красни,  
Вечар яки цихи;  
На небе пліваю  
Доокола гвизди.

И мешачок вишол  
Медзи гвиздочками  
Одкадз свою шветлосц  
Развійол по тей жеми.

Слаби витрик лєци  
На своїх криделкох,  
Приемни пах шири  
Багенових квитох.

Попатрим на небо  
Ох яке то миле!  
Шерпо ше ми тераз  
Шлебодно радує.

Придзе ми на розум  
Єден валал мили,  
Дзе ми кажди вечар  
Одлєтую думи.

Придзе ми на розум  
Єдно квеце миле,  
Котре у загатки  
Вше на краше квітне.

Кеди, хто го старгнє?

Тото ище не знам,  
Але зос слизами  
Вше го я полівам.

Кед попатрим вечар  
На прекрасне небо,  
Придзе ми на розум  
Милє квеце мойо.

(- дль)

## Ювильейне паломництво до Велеграду.

Як зме явели нашим читателюм главна преслава ювильей св. славянских Апостолох Кирила и Методія отримаше у Велеграду мешаца августа, дзе св. браца найвещей дійствовали. Паломництва зос шицких славянских жемох зидуше на тей преслави. Програм нашого югославянского паломництва ест таки: Дня 12 августа коло поладня одходзи ше зос Загребу до Видня (Бейч) 13 августа рано приходзи ше до Бейчу. По поладню до Братислави, дзе нас причекаю браца Словацци. У Братислави ше и преноцує. Дня 14 августа св. Служба Божя у Братислави а вец на 9 годз ше идзе до Тренчину. Ту будзе полудзенок. По поладню на 5 годз приходзи ше Угерско Градиште, дзе нас дочекаю Чехи. Одгаль ше пойдзе до Велеграду.

Дня 15. на Велеграду а по поладню до Праги, дзе

ше придзе на 9 годз. вечаром. Дня 16 и 17 опатрене Праги и Старей Болеслави, дзе умар мученическу шмерцу св. Вацлав. Дня 17 августа одходзи ше з Праги а дня 18 приходзи ше до Загребу.

Путни трошок за II. класу 1.300 Дин. а за III. кл. 900 Дин. Ту урахована железна драга од Марибору далей, кост и ноцованє. До Марибора и од Марибору до дому плаци кажди окреме за себе карту.

У тим паломництву надаме ше нашому народу згода, да увидзи найкраши краї Чехословацкей держави а ведно, да укаже благодарносц гу св. Апостолом.

Пріявиц ше треба до 15 юнія 1927 и уплатиц 300 Дин. на мєно путного трошку. До 15 юла 1927 треба шицко намириц. Писац треба на Апостолат св. Кирила и Методія, Загреб. Каптол. ч. 29.

## Зос наших валалох

### Р. Керестур.

На дзєнь 20 мая пополадню отримано засиданіє Одбора Керестурско-Вербаского Водного Дружтва, а на дзєнь 21. мая главне рочне засиданіє под председательством п. Владислава Поляка. На засиданію були 18 предмети, хтори ше мирно и сложно окончили, медзи хторима були найглавнейши, заключни рачуни и предрачун на 1927. рок. Одредзено 12 дин. по кат. ютру за чиценє бегельох за тот рок. На засиданію присуствовал изасланик поджупана п. Дюра Маринкович од страни Хидро Техничкого Оделька зос Н. Саду п. Стойнич, и началник срезу.

На 20. мая на одборским засиданію пополадню учули зме од Среского Началства вист, же наш трудолюбиви председатель п. Владислав Поляк одликовани орденом св. Сави 5. степену за заслуги у рускей просвітней роботі и за бечельске друштво.

На дзєнь главного засиданія 21-го мая вибрати за Почесного Председателя дружтва п. Бора Алексич, началник срезу. Вон винчовал п. председателюви на його одликованю, котре достал за свою трудоливосц и точносц при томе друштву. Председатель п. Влад. Поляк подзековал за його слова и засиданіє ше законьчело.

М. К.

### Зос Р. Н. П. Д.

Просвітнومه друштву даровал п. Мих. Бабинчак цимерман зос Р. Керестура суму 50 дин. На фонд „Руских Новиных“ п. Дюра

Джуня, Р. Кересур 60 дин. Сердечне подзекованє!

На Керестурски кирбай назберало ше на руску народну просвиту 685 дин.

## Вшеліячина

### КЕЛЪО ДАСДНА ДЕРЖАВА СТРАЦЕЛА ЖЕМИ У СВИТОВЕЙ ВОЙНИ.

Немецка мушела дац зос своей европскей територи:

Польскей, 36.130 кв. мет. = 3,900.000 жительство, Францускей 14,522 кв. мет. = 1,900.000 жительство, Данскей 4.000 кв. мет. = 155.000 жительство, Литванскей 2,657 кв. мет. = 140.000 жительство, Данциги 1,914 кв. мет. = 355.000 жительство, Белгии 1,036 кв. мет. = 60.000 жительство, Чехословачекей 286 кв. мет. = 45.000 жительство

Од колониох одступела:

Англии 2,250.000 кв. мет. = 6,248.000 жительство, Францускей 745.000 кв. мет. = 3,207.000 жительство, Белгии 55.000 кв. мет. = 2,660.000 жительство, Японии 2.500 кв. мет. 244.000 = жительство, Кинескей 500 кв. мет. = 244.000 жительство.

Шицкей утрати мала Немецка:

У Европи 70.545 кв. мет. = 6,565.000 жительство, У колониох 3,053.000 кв. мет. = 12,411.000 жительство.

Русия страцела зос своей европскей територи:

Финску 388.000 кв. мет. = 3,400.000 жительство, Польску 259.000 кв. мет. = 15,800.000 жительство, Летонию 66.000 кв. мет. = 1,900.000 жительство, Литванию 52.800 кв. мет. = 1,800.000 жительство, Естонию 48.000 кв. мет. = 1,100.000 жительство, Бесарабию 44.000 кв. мет. = 2,400.000 жительство.

Од своей азиатскей територи мушела дац:

Турскей 18.750 кв. мет. = 500.000 жительство.

Австро-Мадярска ше зошицким розпадна. На ей територи постали нови держави и то:

Чехословачка 142.000 кв. мет. = 13,800.000 жительство, Мадярска 93.000 кв. мет. 8,000.000 жительство, Австрия 84.000 кв. мет. = 6,700.000 жительство.

Остаток припадна:

Югославиі 143.000 кв. мет. 7,500.000 жительство, Румунскей 113.000 кв. мет. = 6,200.000 жительство, Польскей 81.000 кв. мет. = 7,700.000 жительство, Италиі 24.000 кв. мет. = 1,600.000 жительство.

Бугарска мушела дац од своей територи:

Греческей 6,500 кв. мет. 210.000 жительство, Югославиі 2,400 кв. мет. 115.000 жительство.

Турска мушела дац од своей територи:

Англии 875.000 кв. мет. = 5,200.000 жительство, Францускей 205.000 кв. мет. = 2,880.000 жительство, Италиі 2,640 кв. мет. = 101.000 жительство. Й. Ф.

### ГУНАР ПРИЯТЕЛЬ ЧЛОВЕКА.

У валаж Бат (Англия) ест чудни гунар. Вон ше ходзи зос своим газдом коло хижки и на польо. Волаю го Питер. Тот Питер стої при газдови, кед вон бешедуе зос ким, и кед бешедуе одвише длуго, теди го цага за капут да уж идзе. Даскельо днї газда ше похорел а гунар ходзел по дворе и одзивал ше Кед го пуцели до хижки и кед чул глас газдов Питер побочкал руку, озвал ше и пошол мирни. Вон и послушни, идзе спац, кед му газда пове.

### НАЙСТАРША ФАБРИКА ПАПЕРУ.

Найстарша фабрика паперу находзи ше у малим месточку Майо у Япану. Фабрика вирабля лем найфиньши пергаменови папер а постої уж 800 роки. Число работников ест 100 и тото ше не меня. Каждый роботрик на дзень вирами 400 аркуши.

### ДРАГОЦИНОСЦИ У ШЕНБРУНУ.

У славним Шенбрунским парку бувшого австрийского цара при Бейчу започню ше гледац скрити драгоциносци. Гваря, же тоти драгоциносци похоза ише од Атили, и же Наполеон вельо закопал до жеми, бо шицко не могол однец зос собу. Гледац буду радіостазийним вилюшками.

### ЖЕНСКИ ТАРГОВЕЦ.

Унука бувшого турского цара Абдула Хамида зарабя рочно 100.000 франки. Вона року 1915, сцекла зос Цариграду до Парижу и там виучела вельо бешеди и звершела тарговску школу. Вона тараз путуе по балканских крайох як заступник моцней фирми и зарабя красни пенез.

### АПАРАТ ЗА ЧИСЦЕНЕ УЛІЦОХ.

Америцки енджилр Валтер пренашол апарат, котри барз фришко очисци шицко шмеце на улїцох. Нови апарат принесе дружтву, котре патент откупело 6 милиони рочного приходу.

### НОВИ МОТОРОВИ ЧАМЕЦ.

Талиянски енджилр Бугати збудовал моторови чамец, котри 25 метери длуги и 5 метери широки. Бугату дума зос ним преисц атлантически океан за 50 годзини. До нього ше месци 8 особи и поживленя на 60 годзини, а швидкосц виношуе 100 километери на годзину.

Христа. Азъ прославихъ ты на земли дѣло совершихъ, еже далъ еси мнѣ да сотворю. И нынѣ прослави мя ты Отче у тебе самага славою юже имѣхъ у тебе прежде даже мїръ не бысть. Явихъ имя твое человекомъ, ихже далъ еси мнѣ отъ мїра: твои бѣша, и мнѣ ихъ далъ еси, и слово твое сохраниша. Нынѣ розумѣша, яко вся вѣлика далъ еси мнѣ, дахъ имъ: и тиї прияша, и розумѣша воистинну, яко отъ тебе изыдохъ, и вѣроваша, яко ты мя послалъ еси. Азъ о сихъ молю: не о мїрѣ молю, но о тѣхъ ихже далъ еси мнѣ яко твои суть. И моя вся, твоя суть: и твоя, моя: и прославихъ вѣ нихъ. И ктому нѣсмъ вѣ мїрѣ и сіи вѣ мїрѣ суть, и азъ къ тебѣ гряду. Отче святыи, соблюди ихъ во имя твое, ихже далъ еси мнѣ, да будутъ едино якоже и мы. Егда бѣхъ съ ними вѣ мїрѣ, азъ соблюдахъ я во имя твое: ихже далъ еси мнѣ, сохранихъ, и никтоже отъ нихъ погибе, токмо сынъ погібельный, да сбудется писанїе. Нынѣ же къ тебѣ гряду, и сія глаголю вѣ мїрѣ, да имутъ радость мою исполнену съ себѣ.

Син Божии, ето, у торжественей молитви, при конци своего живота на тим швецех, виявлюе цель пре котри пришило на тот швец, а то е, да людзе познаю единого истинного Бога, и егоже послал Иисус Христа. Иисус гутори, же нам обявел мене Боже, а стим виповед, же нам обявел шицку правду, цо нам потребна за нашо спасене и за наш щешливи живот. Бог е безконечна доброта, красота и вична правда. У Христу Богу, котри нам тоту правду обявел, маме ю гледац.

Бидни судия Пилат запитал Иисуса раз на своем суде: „Что ест истина“. (Иоан 1, 3.). а не дочекал одвита, лем вишел вонка. Так робя безчислени души на тим швецех, як и Пилат. Сцели би знац правду и гледаю, але у тим не патра на никого, лем на своей идоли, до котрих ше залюбели и шерцо им придали, па так цемни и замаунети не находза нїгде правду и гуторя, не знаме ані не будземе знац.

За Слово боже Иисуса Христа котре обявлено вичней правды Бога Оца ані не питаю. Прето оставаю у цемноти и незнанству цо ше тиче главних вопросов живота.

Таки мудерци того швета гледаю правду у знаносци природней. Но природна знаносц гоч нам открие тайни цалого створеного швета, не годна ипак задоволиц нашо шерца и жаданя, бо не зна ані початок ані кончину швета; не позна

наш цель и конци; не позна Вичного Духа, о котрим му приповеда цала вселена и цала история швета.

Найславнейши ученыи швета признали искрено, же сама знаносц т. в. мудросц розума не годна одсагнуц загадку, души, швета, Бога. Здовоино скричал ученяк Дибос Раймунд. „Не знаме и не будземе знац.“

Правда знаносц може привесци человека лем на драгу, по котрей може гледац правду. Може го привесци гу Христу гу Богу. Христос розшвици каждому шицки вельки вопросы живота. Гутори ше за Француску, же е найпросвищенша держава, дзе знаносц и мудросц човеческа барз напредовала, па ипак тота жем полна празновирия, полна розпусту, полна злочинства и вшеліякого зла, цо яснї доказ, же мудросц людска нїгда не годна замениц правду Богу, потребну нам на спасение, Тоту нам дава Син Божии, Х. Н. Иисус Христос, котри нам принес живот у тим, же нам указал Бога, и открил царство небеске и показал драгу до нього.

Мих. Мудри.

## Нашо претплатници

За 1927. обновели свою претплату слїдуюци п. п.: Ферко Сивч, Дюрдьов 50 дин. Янко Гудак, Дяково 100 дин. Михал Паплацко мл. Р. Керестур 100 дин. Евген Балїнт, Дюрдьов 100 дин. Дюра Дудаш, Р. Керестур 50 дин. Дюра Горяк, Петровци 50 дин.

## БЕРЗА

Берлин 1 злата марка	13.46 д.
Будим. 1 пенги (pengő)	9.95 „
Италия 100 лира	260.— „
Букарест 100 лей	35.— „
Лондон 1 фунд. штер.	276.99 „
Нью-Йорк 1 доллар	56.58 „
Париз 100 франки	224.70 „
Праг 100 Чес. кр.	269.— „
Акциї З. К. Б. Д. Д.	325 „
Швайцарска 1 франк	10.97 „
Виден 1 шилинг	8.— „
Наполендор 1 ком.	190.— „
20 златних корун	190.— „
10 „ „	95.— „
Сеферин	400.— „
Дукат	100.— „
1 круна у сребру	3.— „
5 „ „	15.— „
1 форинт	6.— „
7% держав. позичка за 100 динара ном.	86.— дин. 2 1/2 % ратна штета за 1000. дин. ном 342.— дин.

За злато и за вредносни папире плацаю банки потполни курс, а за валути о даскельо повна меней.

## Шветочни отпочивок

### Недз. св. Отцох,

Еванг. Йоан чл. 17. зач. 56.

Во время оно, возведе Исусъ очи свои на небо и рече: Отче, прїиде часъ, прослави Сына твоего, да и Сынъ твой прославитъ

тя. Яко же далъ еси ему власть всякія плоти, да всяко еже далъ еси ему, дастъ имъ животъ вѣчнїи. Се же естъ животъ вѣчнїи, да знаютъ тебе единого истинного Бога, и его же послалъ еси Исусъ